

gasat ai amu hta grai share shagan ai hte nden ja let shakut shaja ai majaw,awng padang ninglaw lu ma ai rai, dai majaw English asuya du ni gaw, majan gasat kung ai baw amyu rai ma ai ngu nna, Jinghpaw amyu ni hpe matsing la ma ai rai.

Dai majaw 1909 ning hta Jinghpaw COy langai mi bai jat ya sai, dai hpang 1914 ning hta Jinghpaw Coy langai mi bai hpaw jat ya sai, shingrai 1918 ning du hkra Manmaw ga e Jinghpaw Coy 3 tawn da ma ai.

3. 1914 ning hta No. (1), Mungkan majan kaba [Great War] byin wa ai majaw, Manmaw Bn Military Police dap na hpyen masha yawng 1589 Indian Army battan dap de shangun dat sai, Ndai Bhamo Bn M.P. dap kaw nna shangun dat ai hpyen masha ni sa gasat lawm ai shara ni gaw, FRANCE, GALLIPOLI, PELESTINE, EGYPT, IRAQ, PERSIA, ADEN, EAST AFRICA, [N.W.E.] North West Frontier ni rai nga ai, dai shaloi Manmaw na hpyen masha ni sinna ga majan e si ai masha 47 re. Hkala nba hkru nna si mat ai gaw, masha 13 re ai, bai nna nma kap ai masha 113 rai ma ai.

Dai(Great War) majan kaba de sa ai, Manmaw nna Jinghpaw hpyen ma ni yawng 349 re.

Dai shaloi garan ai hpyen ma, 1/10th Gurkha Rifles dap de 60, 85th Burma Rifles dap de 289 re,ndai Jinghpaw hpyen ma ni sa gasat lawm ai majan shara ni gaw, MESOPOTAMIA hte TURKEY majan ni rai nga ai, dai shaloi majan gasat ai hta, Jinghpaw ma ni grai shakut shaja ai majaw, Jinghpaw wunpawng amyu sha ni a arawng sadang grai dan hkung wa sai rai.Dai majan kaba hta mying kaja dazik kumhpa lu ai masha grai law ma ai, raitim ndai laika hta mying langai hte langai kaga ga n ka madun lu sai, Burma Rifles labau laika ni

hta mu lu na re. Sub Jinghpaw Gam hpe gaw, Subedar-major arawng ayua hte O.B.I [Order of British Empire] 2nd Class mying kaja ja dazik kumhpa hpe lu la nu ai.

Shing rai dai Jinghpaw ma ni majan de nna bai nhtang wa ai hpaang Maymyo ga de wa nga nna, Major C.M. Enriquez du kaba wa woi awn lajang ai majaw, 1st, 2nd., 3rd, Burma Rifles Dap ni hpaw dat sai. Bhamo Military Police dap kaw nna, Jinghpaw ma ni hpe Myitkyina de nkau mi, Lashio ga de nkau mi di nna garan bang dat ai majaw Jinghpaw hpyen ma ni shara magup grai law wa sai rai.

1922 ning hta Manmaw M.P dap e Jinghpaw Coy 1 sha ngam sai, hpa majaw nga yang Army battan dap de Jinghpaw hpyen shalaw ra ai majaw re. 1932 ning hta Bhamo B.M. P. dap e Jinghpaw Coy langai mi bai jat sai, dai kaw nna 1942 ning du hkra Jinghpaw Coy 2 sha Manmaw hpyen dap e nga sai.

4. 1937 ning April shata lya shani kaw nna, B.M.P. (Burma Military Police) dap ni yawng hpe Burma Frontier Force ngu nna bai shamying kausai, hpa majaw nga yang India kala Mung hte Myen mung, garan hka mat wa ai kaw nna, Myen mung a lamu ga jarit sin ai dap ngu nna shamying ai re.

Dai Burma Frontier force dap ni hpe, Chin Hill Bn, Myitkyina Bn, Bhamo Bn, Lashio Bn, Taunggyi Bn ngu nna tawn da sai. Pyawbwe Bn BFF gaw yawng a ka-ang re ai majaw, B.F.F. dap ni yawng a matu Training Depot shatai sai, dai Training Depot e sharin ai amu ni:- Manpyawng, Wireless, Motor ni rai nga ai.

Dai hpaang 1942 ning hta English asuya ni Japan hpe n dang nna India de hting-nut mat wa ai shani kaw nna, dai B.F.F. Bn yawng hten run mat wa sai rai.

Dai h pang 1945 ning kaw nna, English asuya ni Myen mung hpe bai gasat dang la lu ai htawm, B.F.F.Bn ni a malai, Civil Armed police ngu nna dap bai hpaw da sai, dai h pang 1946 ning kaw nna, U.M.P. [Union Military Police] dap ngu nna Myen mung a lamu ga jarit shagu hta bai hpaw tawn da sai rai.

5. Lai wa sai 1898 ning kaw nna 1933 ning laman hta Manmaw Military hpyen dap hta, Jinghpaw hpyen du nkau mi asuya amu bungli hpe kangka, re ai hte galaw gun hpai ai majaw, shagrau sha-a ai arawng kumhpa ni hpe lawu de mying madun tawn ai myit su hpu nau ni lu la ma ai.

(1) 1898 ning hta Hav Tuling, Sadon gasat ai hta kaduk hpya ai hte share shagan amu galaw ai majaw, [Revolver] bisatawt sanat kadun hte lemat kaja lu la wu ai.

(2) 1902 ning hta Subedar Wala Zau Tawng, gaw asuya amu bungli kaja galaw shakut ai ma jaw, Hpyen du n-ga galu, (Sword) hte lemat kaja hte shagrau sha-a ai kumhpa lu la wu ai.

(3) 1918 ning hta kalang mi bai T. D. M. ngu ai duzik hpe bai lu la nu ai.

(4) 1921 ning hta Hav Labang Yaw, [Intelligence] intilejin makoi magap ai amu lam hta kaja ai majaw, Gumhpraw n-ga hte lemat lu la wu ai.

(5) 1926 ning hta Subedar Zau Mun gaw, asuya amu bungli kaja ai majaw, shagrau sha-a ai arawng kumhpa, Gumhpraw n-ga hte lemat kaja lu la wu ai.

(6) 1933 ning hta Jemadar Labang Yawng hpe asuya amu kaja ai majaw, Sanat sawng pyawng 1 hte mying kaja lemat lu la wu ai.

(7) Hav Maru Gam hpe gaw (Certificate of Honour)
(H.E. The Governor) Myen mung Hkawhkam malai Du kaba
a shagrau sha-a ai arawng lemat kumhpa hpe lu la wu ai rai.

Ndai lahta e madun ai marai 2 hpe jaw ai kumhpa gaw,
Myen mung Tharawaddy ginwang Saya San gumlau gasat
yang majan shara de ama kaja ai majaw lu la ma ai.

Kaga mying kaja lu ai India Kala masha ni grau law ma
ai, rai timung ndai laika hta anhte a Jinghpaw Du agyi ni hpe
sha ka madun da ai rai.

3/20th BURMA RIFLES A LAM.

1921 ning sinna ga Germany majan ngut ai h pang Myen
mung de bai du ai shaloi Jinghpaw, Hkang masha ni hpe kayau
kaya rai nna 5/70th Burma Rifles ngu shamyng ai. Dai h pang
gade nna yang 1921 ning October shata daram hta 3/70th,
Kachin Rifles ngu nna dai dap hpe lajang wa sai, dai shaloi
Jinghpaw hpyen ma nkau mi hpe ,5/70th Burma Rifles kaw
naw nga shangun da sai, dai 5/70th dap ni gaw 1921 ning
October shata kaw nna Training Bn bai byin mat wa sai. 3/
70th Kachin Rifles dap hpe gaw, rangrut lahkawn shalaw
nhtawm, 1922 ning December shata kaw nna, Indian Army
H.Q. de nna aming lu ai hte maren 3-20th Burma Rifles ngu
nna bai shamyng la sai rai.

1925 ning hta Jinghpaw Coy 2, Hkang Coy 1, Kayin Coy
1 rai nna, Maymyo e Lt. Col.Eburd Du kaba up hkang ai hte
Sub. Major Jinghpaw Gam woi awn nna, 1925 ning Novem-
ber shata hta Taiping, Malay State ga de 2/20th Burma Rifles
dap ni hpe sa galai sai. Taiping ga du ai shaloi, dai Du kaba
ahkun wa ai hte wa si mat ai majaw. Major R.G.Gathere bai

up hkang galai la sai. Dai Du kaba up hkang nga ai aten hta shaning shagu Croh ngu ai shara de kyem lung nna, hpyen majan gasat ai amu hpe sharin shaman ai hta mung, nta kyem shara ni gap lajang ai hta mung, anhte Jinghpaw ma ni hpe C.E. Morris Duwa gaw, grai shakawn ai hte Jinghpaw ma ni arawng lu la sai rai. Dai hpun kawa la ai shaloi Jinghpaw ma ni Sharu grai grai kaba ai joi masum jan jan rawng ai law law htu la lu ma ai.

(Camp) Kyem nta hte tsi rung re ai ni Kawa hte galaw ai re. Rai timung grai tsawm htap hkra, S. M. Jinghpaw Gam woi awn ai majaw, Malay State hpe up hkang ai General Du kaba wa gaw, Jinghpaw ma ni hpe grai shakawn da sai rai.

Rau ai aten hta hpyen ma ni gaw, Yudiya ga hkan sa du hkawm chyai ma ai. Hpri hpaw htu shaw ai American jak kaba ni hte dai Hpri hpaw pru ai Clinitan hkan sa du lu ai majaw, grai myit pyaw la lu shajang ma ai.

Dai Kyem de General Du kaba wa [Inspection] wa yu ai shaloi, 3/20th Burma Rifles Jinghpaw m ani hpyen gasat shaman ai amu [Pratice] hta 1st. awng ai majaw, Janghpaw ni a arawng grai kaba sai. Dai aten hta up hkang nga ai Major C. E. Morris Duwa mung, mying grai kaja ai rai nna, shi hpe shara n nga timung, India Kala dap de htawt kau ai hte Lt. Col. aya hpe lu la nu ai rai.

Taiping Malay State ga e nga ai shaloi, Jinghpaw hpyen ma ni nkau mi sanat gap shing jawng poi, Collalampur hte Singapore hkan na Rifles meeting hta, kumhpa kaba lu ai hte grai awng ma ai majaw, Jinghpaw hpyen ma ni a matu arawng grau grau kaba jat wa sai rai.

1928 ning hta Taiping ga e nga ai shaloi na 2 lang ngu na Croh Kyem hta anhte Jinghpaw ma ni Bn. Traning hta

Nambat langai bai awng lu ai majaw, Inglik Hkawhkam wa a (Royal Army) lagaw hpyen dap hta Jinghpaw ma ni arawng sadang lu nna dan hkung wa sai rai.

1929 ning hta 1-20th Burma Rifles dap ni bai sa galai sai hte maren, November shata hta Maymyo ga de bai du lung wa sai. 3-20th B.R. dap na lam hpe hkum tsup ai hku garai n lu ka bang ai hte nhtoi nau gadun wa ai majaw, kau chyen mi naw ngam kau sai, h pang e bai dip shapraw na laika buk hta she, hkum tsup ai hku lajang la na matu tawng ban dat ai.

Dai hpang 1925 ning kaw nna 1929 ning du hkra Jinghpaw amyu ni Army battan dap de htam 100 na 50 per cent jat bang wa sai rai. 1930 ning hta Myen mung e Sir, J. A. Maung Gyi M.A. ngu ai wa hpe (Governor) Hkawhkam malai aya hpe chyahkring mi jaw tawn ai lam, Tharawaddy ginwang e nga ai Myen Saya San ngu ai wa, gumlau rawt kabrawng wa ai majaw, dai Myen gumlau ni hpe gasat jasim na matu, 3-20th Burma Rifles dap ni grai shakut sai rai. Dai Burma Rebellion ma jan gaw 1932 ning hta sim mat sai, dai hpang [H. E. The Commanding in-chief Du kaba wa gaw, majan hta share shagan shagrau sha-a ai arawng aya mying kaja, [Distinguished Service Rendered] ngu ai Rebellion gumlau masat kumhpa hpe lawu e mying rawng ai hpu nau Du agyi ni lu la ma sai.

- (1) Subedar Pau Sa La Rip.
- (2) Hav N-gyem Tu. No. 20928.
- (3) Naik Lahtaw Naw I. D. S. M (Indian Distinguished Service Medal) No.21733.
- (4) Naik Shadau La No. 21380.

Shing rai ngwi pyaw ai hte nga nga yang Sinli ga na American Baptist Mission hpung hpe up hkang nga ai Rev

Sara kaba Sword gaw, Jinghpaw A. B. M. Hkalup Hpung Mung Zuphpawng hta shangwi shapyaw ya na matu anhte dap na Band Baja (Pipe) ni hpe shaga ai majaw, grai kabu gara ai myit hte anhte dap na Du kaba wa gaw, 1932 ning March shata 23 ya shani kaw nna 29 ya du hkra hpawng ai Mung Zuphpawng hta wa shangwi shapyaw ya sai rai.

1932 ning shada da gat shingjawng ai ginsup ai poi hta Hav Maru Sau Gawng gaw, (One mile and three miles) deng mi hte deng masum gat shing jawng ai hta Bn ting hpe nambat 1 dang kau ai majaw, Gumhpaw gawm kaji lahkawng lu la u ai rai.

1933 ning January shata 2 ya shani Commanding in-chief Sir, Philip Chetwode Du kaba wa du nna, anhte hpe Burma Rebellion Medal ni hte Mying kaja kumhpa ni wa garan jaw na hte Medal lu na lam ni wa tsun shana dan ai majaw anhte yawng grai kabu ga ai rai.

Dai htawm February shata 9 ya shani kaw nna 24 ya du hkra galaw ai Bn Training Inngyin [Camp] hta Jinghpaw ma ni hpe majan gasat sharin shaman ai lam hta grai kaja ai nga nna Bn Commanding LtCol Tayler, D.S. O hte Commanding in-chief Du kaba gaw shakawn ai hte, Subedar Major Myihto Naw ni England ga de Hkawhkam **George VI** a asak sin sa na lam ni shana da ai rai.

1934- 35 ning hta Sam mung a lahta daw sinpraw maga de Wa ga hku nna Wa kalam lung sai. 1938-39 ning hta Myen ni Thabik Mauk ai majaw shara shagu dai kabrawng nga ai shara hkan jasim sai 1939 ning hta Rangoon Mingaladon de 1st Burma Rifles dap ni hpe galai sai, 1940-41 ning hta lawu Myen mung Moulmein ga de Japan sharat madat na matu, sa mat wa ai hte maren 1942 ning January shata kaw nna March

shata grai ruyak ktyin dut hkrum ai hte Japan hpyen ni hpe
hkap shadaw yu yang n lu shadaw ai majaw 1942 ning May
shata hta Battalion bra mat wa sai rai.

SUBEDAR MAJOR MYIHTOI NAW

Ndai Subedar Major Du wa gaw 1914 ning na [Germany] Jamani majan hta lawm ai wa re. Dai aten hta shi gaw Naik Agyi lu sai, shaloi na shi a nambat gaw 1508 rai nga lu ai, shing rai shi gaw Asuya hkawkam hpyen bungli hpe myit sharawng awng ai hte, kang -ka rai nna galaw shakut ai majaw arawng aya kaba lu la ai hte shi gaw England mung na Inglik Hkawhkam **George VI** wa a asak sa sin na matu, England ga e shata 6, King Orderly Officer ngu nna Hkawhkam hkaw hta nan sa dung lawm yu sai wa rai nga ai. Ndai sumla hta mu lu ai bu hpun palawng ni gaw, Hkawhkam wa a asak sin nga ai shaloi htuk ya ai manu dan ai bu hpun palawng ni rai nga lu ai. Sumla hta man hku kap nga ai sai ru ni gaw Ja rai nga ai. Jinghpaw amyu ni yawng a matu grai shakut da ya sai hte arawng kaba shangun sai majaw, shi a chye ju hpe galoi mung malap kau mai na nrai.



SUBEDAR MAJOR MYIHTOI NAW.

DAW III

JINGHPAW HPYEN MA NI SINNA GA DE SA AI LAM (A KACHIN MILITARY VENTURE) BY

MAJOR C.M.ENRIQUEZ. 85th Burma Rifles

Anhte Jinghpaw a Mejat Enriket [Major C.M. Enriquez] Shingma galu Duwa ka da ai Jinghpaw hpyen ma ni sinna ga de sa du ai lam hte, anhte Jinghpaw amyu ting a matu sakse hkam ai, ndai shanhpraw Duwa nan re ai hpe matsing nga ga law.

Jinghpaw ma ni sinna ga de sa du nna, D Coy ngu ai Jinghpaw Coy hte Jinghpaw ma ni a lam hpe chye na matu, Jinghpaw masha ni arawng lu ai hte, masha amyu ni e matsing da ai laika hta lawm lu ai gaw grai kabu shara rai nga ai law.

[Lawu de na dai duwa ka tawn da ai laika hkrang hpe nshai ai hku madun dat ai.]

Aw ngai hte rau mazum kanawn hkawm nga ai, tsawra ai Jinghpaw ma ni e, Moi shawng de Jinghpaw ni bumga de sha hkawm ai raitimung, ya nanhte Jinghpaw ma ni sinna ga de grai hkawm sai law. Hpyen gasat ai shaloi Jinghpaw hpyen ma ni atsuya amu magam ni hpe, atsawm sha gun hpai shingtau nga ga ai. Dai majaw Jinghpaw ni a arawng grai kaba sai law.

Mungkan ting nga ai masha ni, Jinghpaw ni a mying ya chye masai, anhte sinna ga de hkawm ai lam, galoi rai timung n mai malap kau na, dai majaw nanhte Jinghpaw ni hpe ngai laika loi mi ka da ya mayu nngai, ndai laika atsawm sha sadi kyem da mu law. Ndai laika hpe hkum shamat kau mu, nanhte

a kashu kasha ni dai laika he mu hti yang gaw, Jinghpaw hpyen ma ni a arawng kaba ai lam hpe chye na re.

1917 ning July shata 30 ya Jinghpaw hpyen ma ni Myen ga kaw nna rawt sa wa ma ai. 1917 ning August shata 15 ya shani MESOPOTAMIA ga du sai, August shata kaw nna December shata du hkra QUALAT SALE nga nna, hkawm masai. Hpyen amu magam atsawm sha sharin ngut jang, AMARA ngu ai shara de bai htawt hkawm wa sai, AMARA de laning mi jan nga sai. Dai shara e nga ai shaloi, hpyen ma ni Guard Santari amu bungli ram ram yubak hkrum sai law.

Raitimung Jinghpaw hpyen ma ni grai myit sadi myit kaba ai hte shani shana shakut sharang masai. Dai majaw BAGDAD ngu ai shanhpraw du kaba wa, nanhte Jinghpaw ma ni a matu laika ka sai. Jinghpaw ma ni hpe grai kabu ai, shi dai lam tsun sai. 85th EIGHTY FIFTH, Bruma Rifles Dap ni amu hpe grai sadi galaw ai majaw, ngai grai kabu sai. Bai Jinghpaw ni Hkawhkam wa a hpyen amu hpe atsawm sha galaw ma ai law. Ndai lam grai kabu shara re ai. Hpa majaw nga yang anhte atsuya hpe garum na matu, bai nna Jinghpaw bunga de arawng kaba na matu, hpyen majan gasat ai shara hkan hkawm ga ai law.

1918 ning December shata hta Bagdar Du wa hte arawng kaba ai hte htawt hkawm sai law. Aw ya ngai tsawra ai kahpu kanau hpu wa makyin jinghku manang ni e, Jinghpaw ni a myit masin, hkauna zawn rai nga ai. Hkauna hpe nahtai hte galau ai, dai zawn Jinghpaw ma ni a myit hpe hpaji hte galau na, bai hkauna hta mam gat lu ai, dai zawn Jinghpaw ni a myit hpe hpaji hte gat lu na. Hkauna e mam mangai nga ai shaloi akyu grai lu nga ai. Dai zawn Jinghpaw ma ni a hpaji mangai ngai ai shaloi, grai akyu lu sai. Ya Jinghpaw hpyen ma ni Nammukdara

lai ai majaw, bai nna mungkan ting hkawm ai majaw, mam zawn mangai ngai wa sai law.

Aw nye a tsawra ai manang ni e, Jinghpaw ni a hpung shingkaung arawng sadang dinggrin arai nga u ga law.

Bum ga de na masha amyu myu, *Mesopotemia* ga de hakwm masai. Marip ma ni, Lahtaw ma ni, Nhkum ma ni, Maran ma ni. Gauri ma ni, Gareng ma ni, dai hta kaga, Maru, Azi, Lashi, Palawng, Miwa, Yawyin, ndai baw amyu nlang Jinghpaw ma ni hte rau hkawm ma ni

AGYI DU NI NDAI BAW RE AI LAW:

1.	Jinghpaw agyi du ni	41
2.	Gauri agyi du ni	8
3.	Maru agyi du ni	8
4.	Azi agyi du ni	2
5.	Lashi agyi du ni	2
6.	Gareng agyi du ni	1
7.	Palawng agyi du ni	1
8.	Miwa agyi du ni	2
9.	Lisu agyi du ni	6

Yawng marai 66 rai ma ai.

MESOPOTAMIA ga de hkawm ai ni, nat galaw ai ni rai ma ai. Rai timung Karai Kasang naw ai ni marai 12 lawm ma ai. Manmaw, Myitkyina, Mogok, ga hkan nga ai ni law law, sinna ga de sa du hkawm masai. Ndaï masha ni:- Mali hka, Tahkaw hka, N mau hka, makau hkan na bum ga na masha ni rai ma ai. Rai timung masha nkau mi gaw, kaga ga de na mung lawm shajang ma ai. MYITKYINA Districe, Hpimaw, Htaw Gaw, ga de na masha mung langai lahkawg lawm ma ai. "Sani

hku" post bumga makau de nga ai masha ni gaw marai masum rai ma ai. "Sadon Post" makau hkan nga ai ni gaw marai 16 rai ma ai. Ndai ni hte rau Saazen U Jik La lawm ai. Ingiik Asuya ni, Jinghpaw hpyen ma shaga ai shaloi U Jik La shawng de pru tsap ai majaw, shi gaw shagrau sha-a ai hte arawng grai kaba wa sai law. Ndai Sadon bum ga de nga ai masha ni Lahtaw, Lahapai law ma ai. Bai nna "Simma Post" de nga ai ni marai 8 re. "Nahpaw Post" de nga ai ni marai 11 re hta Lisu 3 lawm ma ai. No. 867 Naik Labya Tang gaw Lisu ni hte rau lawm ai wa re. "Alawbum," "Nalung Post" de nga ni marai 8 rai ma ai. Rai timung ndai masha 8 hta Miwa ga de nga ai masha 4 lawm ma ai. Dai Miwa ga na masha ni gaw, Maru, Marip, Nhkum, ma ni rai ma ai.

Bai Manmaw layang ga de nga ai ni marai 7 rai ma ai, No. 458 L/Naik Zahkung Naw lawm ai, bai nna Sinlum kaba makau post e nga ai ni, masha 55 rai ma ai, ndai masha 55 hta agyi du ni marai 9 re ai, ndai masha 55 hta hpyen ma (Rifleman) 46 re, Maru 5 lawm ma ai, bai nna Lashi langai lawm ai, bai nna No. 1278 Sarzen Lahpai La hte Gauri 8 lawm ma ai, Maru Yinsung kahtawng e nga ai hpyen ma ni gaw, Maru baw amyu rai ma ai, Prang hku dung, Mahtang, Bumwa, Kadaw, Lamai bang, hkan nga ai masha ni gaw Gauri rai ma ai, bai dai shara de Sarzen Chyau Chi Naw lawm ai. Shi a mying hkawt Miwa re ai, bai ndai Jinghpaw agyi ni mung lawm ma ai.

1. No. 402 Naik Kolu Tu.
2. No. 1714 Naik Lazing Naw.
3. No. 406 L/Nk Kumbau Gam.
4. No. 912 „ Lazum Tu.
5. No. 853 „ Galau Sau Gam.

6. No. 1711 L/Naik Lazing La Lum.
7. No. 452 „ Ding Grin Tu.
8. No. 632 Hav Lahtaw La.
9. No. 415 L /NK Maru Tu. (Miwa ga na.)

Duwa a orderly gaw, Mahtang kahtawng na, Jangma Tang, ngu ai wa re. Manmaw dingda maga de ndai mare kahtawng ni ani ni sha nga ai, Man Yawt, Lajawng, Pehtu hpara, Nga kyang, Sai-man Sama, ndai shara hkan anhte a hpyen ma masha 20 nga ma ai, bai nna ndai agyi ni mung lawm ma ai.

1. No. 738 Sarzen Hpawmi Gam.
2. No. 849 „ Nhkum Hka.
3. No. 914 L/ Naik Kolu Htoi.
4. No. 453 „ Nhkum Tu.
5. No. 237 „ Lama Tang.
6. No. 1735 „ Maji Hka.

Bai nna Sinlum ding da maga ndai mare kahtawng ni ani ni sha nga nga ai, Hutung, Hkringmu dan, Tashan, Kawng wai, Shang tai, Hku Hkawng, Kumje kahtawng, Hpalang, Sadon, Maikung, Hpakhum Lahtaw Wala, dai shara hkan e anhte a Jinghpaw hpyenma ni marai 43 nga ma ai, dai 43 hta agyi du 22 lawm ma ai, ndai ga de gaw, Marip Nhkum, law ma ai, bai Gauri 1, Maru ma 2, Lisu ni 11, lawm ma ai, Shang Tai, Hkringmu dan, Maru kahtawng, ndai mare 3 Yawyin kahtawng re ai, dai shara kaw Lisu ma ni, Jemadar Myitung Tang, No.471 Sarzen Myitung Gam, No. 391 Sarzen Lasang Gam, No. 2001 Sarzen Lasang Gam, No. 448 L/ Naik Lasang Naw, ni rai ma ai, bai dai ga de Jinghpaw agyi du ni ndai hte mung lawm ma ai.

1. **Jemadar** Kolu Gam [Marip]
2. **Jemadar** Kumje Naw [Maran]
3. **Sarzen** Sabaw Yaw [Chyang maja]
4. **Naik** Sau Tu [Lahpai]
5. **Naik** Myitung Tu[Lahtaw]
6. **L/ Nk** Myitung Tang [Lahtaw]
7. **L/ Nk** Kareng Tang [Kareng]
8. **L/ Nk** Sam Dú [Maran]
9. **Hav** Zau Yaw (Lahpai)
10. **L/ Nk** Zau Yaw (Lahpai)
11. **L/ Nk** Manam Naw (Maran)

Bai "**Lweje** Post" de nga ai masha 2 rai ma ai, bai nna Nmau hka **kau** dingdung bumga makau de nga ai anhte a Jinghpaw **hpyen** ma ni, marai 63 re, ndai mare ni loi loi ni shajang **ma ai**, Saga, Banghtan, Gara bumchyang, Hpai dan, Sinti bum, **dai** mare kahtawng hkan sin nga ai agyi du ni gaw ndai ni rai **ma ai**.

1. **Subedar** Jinghpaw Gam. (Jinghpaw Lahtaw)
2. **No.** 878 Naik Nhkum Naw. (Nhkum)
3. **No.** 881 L/ Nk Lahpai Tu. (Lahpai luding)
4. **No.** 407 L/ Nk Maran Gam. (Maran)

Bai **ndai** mare ni mung ani ni sha re ai, Manchyam, Saubung, **Lailaw**, Ludin, Lana hpapa, dai mare kahtawng hkan nga ai agyi **Du** ni ndai hte rai ma ai.

1. **Subedar** Hpau Lu La. (Maran)
2. **Jemadar** Sau Tu. (Nhkum)
3. **Nh.** 634 Naik Maru Tu.

"**Major** Enriket" shingma galu Du wa a orderly gaw masha 2 **rai** ma ai. 1.Labang Tu (hkritu) Balawng dingsa na re.2. Nbrang Gam,Lailaw na re ai law.

Bai nna Nmau hka de masha marai 43 nga ma ai. Dai ni mare loi loi gang hkat mat sai. Rai timung shanhte nga ai shara madung gaw, MOLO makau hkan rai nga ai. Dai kahtawng ni a mying, Loi Lung, Saga Nam hkum, Tinghkung, Siri kahtawng, Tung hung lunga, Loi kaw, Loi ya, Nam hpum, Man Pat, dai ga de nga ai Agyi Du ni ndai hte rai ma ai.

1. No. 246 Naik Hpau ung La.
2. No. 885 L/Naik Hkra Naw. (*Lābang Pan sa*)
3. No. 845 Hav Nhkum Naw.
4. No. 675 Hav Labya La.
5. No. 1508 Naik Mihtoi Naw. (*Palawng*)
6. No. 983 L/Naik Hkangda Naw.

Bai nna Lashio bum ga de nga ai Jinghpaw hpyen ma masha 13 re. Ndai masha ni gaw nta ram ram tsan hkat ma ai. Dai hta kaga Hkahku, Hukong ga de na masha 2 lawm ma ai. Katha District e nga ai masha mung mrai 3 lawm ma ai. Katha makau de nga ai ni No. 1712 Sarzen Sau La, No. 846 Sarzen Lahpai Tu yan rai ma ai.

1917 ning August shata 15 ya shani Jinghpaw ma ni yawng 230 MESOPOTAMIA ga de du masai. Bai nna 1917 ning October shata 20 ya shani Jemadar Sawan Tang hte rau Jinghpaw hyen ma 80 bai du jat sai. 1918 ning Aril shata 28 ya shani Jemadar Kolu Gam hte rau hpyen ma 66 bai du sai. Bai nna November shata 5 ya shani Sarzen Maru Naw hte rau masha 52 bai du jat sai.

Hpyen majan gasat ngut ai shaloi Jinghpaw hpyen ma ni yawng 390 sinna ga e nga ma ai. Ndai masha 390 hta na masha 22 sinna ga kaw nna Myen ga de ahkun wa ma ai. Bai nna, machyi jung ai majaw ndai hpyen ma marai 7 gaw, sinna ga e mungkan ga ntsa na lai mat wa masai.

BUSRA NGU AI SHARA KAW SI MAT WA AI NI

1. No. 663 Lasang Gam, si ai nhtoi 29.8.1917
2. No. 981 Malang Gam, si ai nhtoi 16.8.1917
3. No. 413 L/Nk Sau Gam, si ai nhtoi 29.4.1918

AMARA NGU AI SHARA KAW SI MAI AI NI

1. No. 1520 Num La Gam, si ai nhtoi 15.7.1918
2. No. 1725 Nhkum Hka, 2.10.1918
3. No. 979 Sum Lut Gam, 1.11.1918
4. No. 1765 Nhkum Gam, 27.10.1918

(*ndai wa gaw ALIGHARBI ngu ai shara kaw si sai.*)

Ndai Mungkan ga ntsa na lai mat wa ai hpu nau ni gaw, Atsuya hpe grai garum sai law. Ndai si mat ai ni a numla, shanhte a nta ga de teng teng du wa na sai law.

Bai nna, hpyen gasat ngut ai shaloi hpyen masha Jinghpaw ma ni marai 123, jak sanat Lwis gun, (Lwis Gun) amu ni chye sai. Bai Bomb kabai sharin ai Jinghpaw hpyen ma 146 rai a ai. Bai man pyawng amu (Signaller) galaw ai ni marai 8 rai ma ai. Bai Jinghpaw hpyen ma marai 67 laika chye ka sai. Dai hta kaga laika chye hti chye ka ai masha ram ram law wa sai. Bai anhte Jinghpaw ni a Du kaji gaw, B.RUFFEL Du wa re ai law.

Myen ga de nga nna Jinghpaw Rangrut law law lahkawn bang ai hte lam shagu hta anhte Sinna ga de nga nga ai Jinghpaw hpyen ma ni hpe grau garum shingtau ai wa gaw Sakawt (SCOOT) Du wa re ai. Shi, Jinghpaw rangrut law law lahkawn lu ai majaw anhte sinna ga de nga nga ai Jinghpaw hpyen ma ni myit kabu gara hte hkawm sa lu saga ai law.

JINGHPAW NI ARAWNG KABA AI LAM

1. Aw hpu nau manang ni e, ya Jinghpaw **ni** arawng grai kaba sai law. Dai majaw Du agyi ni hte nanhte Jinghpaw hpyen ma ni yawng Jinghpaw hpyen dap langai **mi** grai ra ai. Jinghpaw ni hkrai san san rai nna nga lu ai hpyen dap hpe ra ai majaw, Myen, Kayin, ma ni zawn zawn **nanhte** mung Jinghpaw Battalion grai ra ai lam tsun sai. Dai **majaw** nanhte a [MAJOR] mejat duwa Myen ga de ahkun wa ai **shaloi**, Myen ga de nga ai atsuya du ni hte hpyen du kaba **ni** hpe nanhte tsun ai ga ni atsawm sha tsun dan sai. Dai shanhpraw du ni nkau mi grai garum mayu ma ai. Nkau mi n **garum** mayu ma ai re.

Ngai hte rau sinna ga de hkawm ai du wa **gaw**, Myen ga de bai du wa jang, rangrut law law lahkawn **mayu** sai. Ngai tsun dan ai **gaw**, dai rangrut ni Military Police **dap** e shang na n hkraw masai, ngu nna tsun sai.

Bai ngai Sinlum bum ga de hkawm lung **wa** ai shaloi, Jinghpaw masha 2000, (hkying lahkawng) daram **zuphpawng** kaba galaw nna, "Padang manau" nau sai. Ndai **Padang** manau hta bumga na Jinghpaw du salang ni yawng, atsuya **hpe** ndai lam laika shagun dat sai law.

2. Anhte bum ga de nga ai Jinghpaw **ni** arawng kaba ai majaw Jinghpaw hpyen dap langai mi hpaw **ya na** grai ra ga ai. Ya Sinlum bum ga de na shabrang ma ni **mahkra** hpyen shang sai. Raitimung Mung-Myit sinli ga, **Mali hka**, Hkahku ga. Lashio ga, ndai ga ni hta na shabrang ma ni **hpe** grai naw n lahkawn lu la ai. Bai anhte Jinghpaw ni shaga **ya** lu ai nga nna ka shagun dat sai.

3. Aw ngai hte rau tsawra ai hte kanawn mazum hkawm nga ai ni e, ndai lam gaw arawng kaba ai lam re. Jinghapw ni hkrai san san hpyen dap hpaw galaw wa ai lam gaw grai myit kabu shara rai nga ai law. Bai nna Jinghpaw ni a hpung shingkang arawng sadang gaw prat mi hte prat mi htani htana dinggrin arai nga u ga law.

4. Ndainlawu de mying rawng ai hpu nau du agyi ni hte hpyen ma ni gaw mare kahtawng hte yep madun tawn nga ai rai nna, ndai hpu nau ni Jinghpaw amyu ni a matu sinna ga MESOPATAMIA de shawng du nna ya du hkra Jinghpaw ni a arawng kaba ai lam sakse hkam da ai ni rai nga ma ai. Masha nkau mi mungkan ga ntsa na lai mat wa masai. nkau mi ya aten du hkra tinang a arawng aya hte rau naw ningngai nga ma ai. Lai wa sai dai shaloi na aten hte ya na aten hpe sawn sagawn wa yu yang grai shai mat wa sai rai.

Ndain hpu nau nkau mi hta na 1897 ning daram kaw nna English atsuya hpyen bungli hta shang galaw ai ni mung lawm nga ma ai.

No.	Rank	Name	Village
Nambat	Aya	Mying	Mare Kahtawng
1	Subedar	Chyinghpaw Gam	Gara Bum Chyang
2	Subedar	Hpu Lu La	Namhka
3	Jemadar	Kolu Gam	Hku Hkawng
4	Jemadar	Sumdu La	Jau Maw
5	Jemadar	Kumje Naw	Hpalang
6	Jemadar	Sawan Tang	Lajawng
7	Jemadar	Sau Tu, IDSM.OBI	Pungling
8	Jemadar	Myitung Tang I.O.M	Shangtai
9	No.1712 CHM	Sau La	Hkauna Kahtawng

10	No.845 CQM	Nhkum Naw	Loihkam
11	No.2001 CQM	Lasang Gam	Maru kahtawng
12	No.846 Pay H	Lahpai Tu	Gadu
13	No.396 Hav	Sabaw Yaw	Maikung
14	No.632 Hav	Sau La Wa Jau	Loilung (Miwa Ga)
15	No.738 Hav	Bawmi Gam	Loilung Bum
16	No.1728 Hav	Lahpai La	Lamai Bang
17	No.847 Hav	Chyau Chi Naw	Sinlum kaba
18	No.468 Hav	Zau Yaw	Sinlum (Hkudung du)
19	No.633 Hav	Labya La	Loikaw
20	No.849 Hav	Nhkum Hka	Behtu Hpara
21	No.1204 Hav	U Jik La	Lawmun Kawng
22	No.851 Hav	Myitung Naw	Lahtaw Hka Pra
23	No.852 Hav	Maru Naw	Yinlung shan
24	No.397 Hav	Lasang Gam	Hkringmu dan
25	No.471 Hav	Myitung Gam	Shangtai
26	No.634 Naik	Maru Tu	Hpunggan gitrawn
27	No.1715 Naik	Myitung Tu	Lahtaw Wala
28	No.1714 Naik	Lazing Naw	Mungloi
29	No.1310 Naik	Sau Tu	Pun Lum
30	No.236 Naik	Hpau Ung La	Tun Hung
31	No.879 Naik	Sau La	Mantau
32	No.878 Naik	Nhkum La	Hpai Dan
33	No.867 Naik	Labya Tang	Hpa Jau
34	No.637 Naik	Myihtoi Naw	Loi Ya
35	No.402 Naik	Kolu Tu	Sinlum Kaba
36	No.399 Naik	Maji Gam	Hkalum
37	No.1166 Naik	Bala Naw	Hpak Gum
38	No.638 Naik	Labang Naw	Balawng Dingsa
39	No.2475 Naik	Sin Wa La	Ndung Yang

40	No.450 Naik	Sumlut Gam	Sadung
41	No.635 L/Nk	Myitung Gam	Jau Maw
42	No.636 L/Nk	Maru Naw	Maru Kahtawng
43	No.400 L/Nk	Tu Lum	Sinlum-Kaba
44	No.237 L/Nk	Lama Tang	Behtu Hpara
45	No.1311 L/Nk	Lazing La Lum	Mungloi
46	No.1735 L/Nk	Maji Hka	Worabum
47	No.882 L/Nk	Manam Naw	Wabaw
48	No.881 L/Nk	Lahpai Tu	Manchyam
49	No.889 L/Nk	Myitung Tang	Lahtaw Wala
50	No.908 L/Nk	Labang Naw	Dung Hkung
51	No.413 L/Nk	Sau Gam	Hka Pra (si sai)
52	No.637 L/Nk	Pau Sa La Rip	Manpat
53	No.853 L/Nk	Kalau Sau Gam	Mandung
54	No.855 L/Nk	Hkra Naw	Saga Nam Hkum
55	No.912 L/Nk	Lazum Tu	Bumwa
56	No.415 L/Nk	Maru Tu	Man Bup (miwa ga)
57	No.877 L/Nk	Chyang Maw La	Kawngwai
58	No.448 L/Nk	Lasang Naw	Hkringmu Dan
59	No.406 L/Nk	Kumbau La	Mantau
60	No.408 L/Nk	Nhtin Gam	Nam Ya
61	No.470 L/Nk	Maran Gam	Hpai Dan
62	No.449 L/Nk	Maru Gam	Yinlung Shan
63	No.462 L/Nk	Dinggrin Tu	Manmaw
64	No.453 L/Nk	Nhkum Tu	Manhkang
65	No.458 L/Nk	Zahkung Naw	Lawdan
66	No.403 L/Nk	Kareng Tang	Hkuhkawng
67	No.1747 L/Nk	Chyau Hpa Gam	Hpunggan gitrawn
68	No.401 L/Nk	Sam Du	Hkuhkawng
69	No.1167 L/Nk	Zau Yaw	Sinlum Hkudung

70	No.1602 L/Nk	Hpau Nat La	Panghkuk
71	No.918 L/Nk	Kolu Htoi	Manhkang
72	No.9168 L/Nk	Maru Naw	Manhkang
73	No.943 L/Nk	Hkangda Naw	Namtau (Sinli ga)
74	No.1733 L/Nk	Ja La	Kadaw
75	No.2481 L/Nk	Maji Naw	Lawhkum Bang Shau
76	No.2482 L/Nk	Zahkung La	Lawdan
77	No.2517 L/Nk	Lazum Naw	Sinlum Kaba
78	No.2483 L/Nk	Hpau Jung Gam	Lahtaw Wala
79	No.2504 L/Nk	Zahkung Naw	Yinlung Shan

Ndai lahta e mying madun tawn ai ni gaw, agyi du aya lu ai ni sha re. Ngam ai hpyen ma 311 hte gaw hpyen la rai ma ai. Ndai zawn anhte a kanu kawa jan shang ai sinna ga de magroi hte grit, salu salat hte git rai nna anhte Jinghpaw wunpawng sha ni a matu sa shakut shaja da ai a majaw anhte Jinghpaw ngu ai amyu sha ni a ka matsing ai laika buk hta lawm lu ai hte amyu a matu sakse hkam da ya ai rai nna, anhte Jinghpaw wunpawng sha ni Jinghpaw Mungdaw ngu ai Shanglawt lu ai shani du hkra naw pra nga ai ni hpe grai chyeju dum shara rai nga ga ai law.

Kadai rai timung ndai sinna ga de sa du nna amyu a matu sakse hkam lu ai ni hkrai byin tai wa ai zawn anhte mung htawm hpang prat na anhte a kashu ni a sakse hkam da ya lu ai ni rai u ga, shakut shaja sa wa ga law.

DAW IV
MYEN MUNG JINGHPAW LAGAW HPYEN
DAP MAUMWI
(BURMA RIFLES HISTORIES)
[GENERAL] [GA N HPAW]

1. Anhte Jinghpaw Wunpawng sha ni, n-gawn chyanun a kashu kasha ni hkrai rai nna, tinang a labau lara laili laika n lu, chye mayu dam timung, kanang na n lu, hti mayu dam timung n mu re ai majaw, ndai Jinghpaw lagaw hpyen dap mawmwi (Magazine) laika hpe ka lajang da sai law.

Ndai hpyen dap maumwi hpe lai wa sai shaning 60 ning jan kadai wa mung n galaw dip shapraw ai hte, tam matut shinggyin la na matu mung yak la ai rai nna, kadai n galaw sam ma ai. Lai wa sai shaning 1889 ning daram kaw nna byin wa ai lam ni hpe sha ka matsing da ai rai.

Ndai hpyen dap maumwi laika ni hpe ka lajang wa na matu masha law law hte jahkrum yu sai, anhte Jinghpaw ni a lam, Jinghpaw myit su masha ni hte hpyen du ni, anhte Wunpawng Jinghpaw sha ni hta na hpyen du ni kadai mung n ka da ma ai.

Ndai maumwi ni gaw, sinna ga de nna sa du ai shanhpraw masha ni ka da ya ai laika kaw na sha mu lu ai, anhte Jinghpaw Wunpawng sha ni hpyen du law law galaw lai wa sai rai timung ndai zawn re ai hpyen dap maumwi ni hte matsing da ai lam ni hpa mung n lu la ai majaw grai yawn hpa rai nga ai law.

2. Ndai maumwi kadun ni gaw, anhte Jinghpaw masha ni hpe tsawra myit kaba ai shanhpraw du kaba ni kada, matsing da ai hpyen dap langai hte langai a lam ni rai nga ai. Ndai maumwi laika ni Jinghpaw ni yawng lu hti na hte Jinghpaw

amyu ni a matu shawng nnan e Lt.Colnel LANGTRY Du wa hte Miss GILLOWS, Captain L.A.F. GILBERT A.I.R.O. [Army Indian Recruitig Officer] re ai ni ka matsing da ya ai hkrai rai nga ai law.

Anhte [Kachin] ngu ai Jinghpaw amyu masha ni hpe shawng nnan e si taw nga ai kaw na sharawt la hkrum ai npawt gaw English Asuya a hpyen majan amu gunhpai shakut shaja ai majaw rai nga ai rai nna, htani htana prat dingsa nmai malap kau na re ai law.

Anhte Jinghpaw amyu Wunpawng sha ni a mying ningsang hpe dan hkung shangun ai hte a rawng kaba dat ai Lt.Col Langtry, Miss Gillows, hte Captain L.A.F Gilbert A.I.R.O, ndai Du ni gaw anhte Jinghpaw amyu ni hpe lam amyu myu hku nna hpang jahtum nhtoi du hkra na matu Hkawhkam ni a laika [Magazine] maumwi laika hkan ka bang shalawm da ya sai rai nna, shanhte a chyeju hpe galoi mung malap kau mai na nrai.

3. 1930 ning kaw nna Myen mung lagaw hpyen dap hpe up hkang ai [Committee] Komiti Du kaba ni:-

- (1) Major General M.C Mexlord
- (2) Bdr C C. Fords V.C
- (3) Lt.Col.MC Baldwin, MC. 3/20th Bruma Rifles
- (4) Lt.Col.A.E.S Fennell, 2/20th Burma Rifles
- (5) Lt.Col.F.L. Tayler D.S.O 10/2nd Burma Rifles
- (6) Lt.Col.AC Gordon Smythe, 1/20th Burma Rifles

1 / 20 BURM RIFLES A LAM

Da ndai gaw 1/20 Burma Rifles, lagaw hpyen dap ni a kadun ai hku na maumwi rai nga ai law.

1928 ning November shata hta Taiping Malaya Satate F.M.S ga de htawt hkrat wa nna Taiping ga kaw sa nga nga yang, Jinghpaw ma ni hte kaga amyu ni hte lam shagu hta shingjawng ai poi ni hta Jinghpaw hpyen du hpyen ma ni yawng 1929 ning kaw nna 1932 ning November shata du hkra arawng grai kaba ai hku nga lai wa sai. Dai aten hta Myen mung Tharawaddy ginwang hta Myen ni Saya San ngu ai wa hte English Asuya hpe gumlau rawt nna gasat ma ai. Raitimung dai majan shara de 1 / 20 Bruma Rifles dap ni n lawm ma ai majaw Inglik Asuya GEORGE Hkawhkam wa a hpyen majan dazik, (Dakhama) jaw ai hta n lawm mat sai.

1932 ning Malaya Satae Rifles metting sanat gap shingjawng ai poi kaba hpe KUALA LUMPUR e galaw ma ai. Dai sanat gap shingjawng poi kaba hta Jinghpaw ni arawng grai kaba sai. Ndai lawu e mying rawng ai hpu nau hpyen du agyi ni gaw gumhpraw gawm hte ja dazik ni lu la ma ai.

1. Subedar Pau Sa Tang, Ja dazik, Distinguished Rifle metting medal
2. Subedar Lazum Tu, Ja dazik, Distinguished Rifle metting medal
3. Jemadar Sumlut Tang, Ja dazik, Distinguished Rifle metting medal
4. Naik Mading La, Maren
5. Naik Hkang Da Shan, Maren
6. Naik Nhkum Gam, Maren
7. Naik Po Kyaw, Kayin Lawm ai.

(BOXING) HTWI HKAT SHAINGJAWNG POI

1932 ning hta htwi hkat shingjawng poi hta Jinghpaw ma 2 gaw marai 50 hpe htwi dang kau ai majaw arawng grai kaba sai.

1. Rfm Manam Naw, Pungling, Manmaw ga na
2. Rfm Labang Naw, Panggaw, Manmaw ga

1932 nig November shata 26 ya shani, Taiping kaw nna Myen mung de htawt lung wa na matu, Pinang kaw Namukdara Sanghpaw daru e Sanghpaw kaba hte November shata 27 ya shana de rawt lung wa sai. December shata 3 ya shana de Maymyo ga de bai du lung wa sai.

1933 ning laman hta Maymyo ga e ngwi pyaw ai hte hpyen dap masha hpe yu nna pati [Party] langai hte langai, Oversea leave ngu ai Namukdara hka rap ai ahkun ngu nna, masha langai mi hpe n law htum ahkun shata 5 e chyen kaw nna shata 8 du hkra jaw ma ai.

1933 NING BURMA DISTRICT RIFLE MEETING MAYMYO

1933 ning na Myen mung ting hua nga ai hpyen dap ni yawng hpe sanat gap shingjawng poi galaw ai shaloi, anhte 1/20th Burma Rifles dap na Jinghpaw agyi Du ni Myen mung ting na hpyen dap hpe dang kau ai majaw, Jinghpaw ni a arawng grai kaba sai law.

1. Subedar Pau Sa Tang "Individual Championship" ngu ai langai hte langai gap shingjawng ai hta Myen mung hpyen dap yawng hpe shi dang kau ai majaw gumhpaw gawm kaba langai mi kumhpa lu la nu ai rai nna Jinghpaw ni a arawng grai kaba wa sai.

2. Pistol, sanat kadun lata hkawn mi hte sha gap shingjawng poi hta,

- (1) Jemadar Nding Naw
- (2) Naik Mading La
- (3) H.H.M Lahtaw Gam

Ndai lahta e mying madun ai Du agyi ni gaw Myen mung ting na sanat kadun (Revolver) gap shingjawng ai hta Nambat 2 lu ma ai majaw gumhpraw gawm lu la ma ai rai nna, Jinghpaw masha ni a sanat gap ding ai sakse hte arawng kaba shangun ma ai rai nna, grai kabu chyeju dum shara re ai law.

1934 ning hta Wa masha ni hte Miwa ni, Wa ga de shuk wa ai majaw 1/20th Burma Rifles dap na C.Coy ni Wa Column de shata 6 Lashio ga de wa nga mat ai hte Wa ga hkan grai hkawn sai. Dai shaloi Burma Boundry Commission hpung ni hte kaga hpyen dap ni mung lawm ma ai. (FIELD BATTERY) Myawk dap ni mung lawm ma ai. 1936 ning hta Mingladon de bai htawt sai.

1937 ning April shata 1 ya shani kaw nna myen mung hte India mung hpe kaga ga di nna up hkang na matu [SERPARATION] ngu nna ginhka kau ai hte India Army. India hte Myen mung e nga ai hpyen dap ni yawng hpe up hkang ai [Commanding inchief] Rangoon mare de 1st April 1937 ya shani du nna, 1/20th Burma Rifles dap hte 2nd K.O.Y.L.I Gaw-ya dap ni hte Rangoon makau grup e nga ai lagaw hpyen dap ni, Namukdara Panglai Sanghpaw daru kaw nna, Rangoon hkawhkam malai wa a nta du hkra lam a pai hkra zawng let tau la ma ai.

Dai shani hpyen pya shingjawng ai hta 1/20th Burma Rifles dap ni yawng hta grau kaja ai majaw [Voicesray] waisarai India ga ting na hpyen dap hpe up hkang ai hpyen bu

kaba wa gaw dap yawng hpe Rum chyaru hte shakram kumhpa jaw da sai. Dai shani kaw nna Myen mung hpyen dap ni hpe nambat 20 di kau nna, Burma Rifles ngu shamyng kau sai rai. Nambat 1 dap hpe "1st Bn the Burma Rifles" ngu nna shamyng kau sai. Dai hte maren Myen mung e nga ai Burma Rifles dap ni yawng hpe No. 20 di kau sai rai.

Maymyo e nga ai 10/20th Burma Rifles dap hpe gaw "4th Bn the Burma Rifles" ngu nna shamyng kau sai. Dai shani kaw nna dap shagu hta Jinghpaw Coy langai san san bai lu sai. Burma Rifles dap shagu hta na M.G [Machine Gun Section] langai ngai 4th Bn de htawt wa shajang sai.

Dai hfang 1937 ning August shata 1 ya shani kaw nna Coy langai mi hta Platoon 4 re hpe 3 sha nga na hku galaw kau sai rai. 1938 ning December shata 1 ya shani kaw nna, "1st Bn the Burma Rifles" dap Mingladon kaw Myen Coy langai mi shawng hpaw wa sai. Dai Myen rangrut ni yawng 34 rai ma ai. Nkau mi 5/70th Burma Rifles dap kaw nna pru mat wa ai ni mung lawm ma ai. Dai shawng sharin ai Myen rangrut ni gaw NCO's & GCO's [Non Commisioned Officer's and Governor Commissioned Officer's] amu shawng sharin la ai ni rai nga ai. Dai Myen Coy hpe sharin ai Sara gaw major H.K. Balaber hte 2nd Blueshirester Youkshir Regiment, British N.C.O's ni hte training galaw ma ai. 1939 ning March shata 1 ya shani 1st Burma Rifles dap ni Maymyo de bai htawt lung wa sai.

Maymyo ga du ai hte rau dai sharin ngut sai Myen ni hpe agyi aya [Promation] nkau mi hpe jaw nhtawm Myen Rangrut lahkawn jat na matu [Recuiting] Rangruting dat dat sai. Dai hfang April shata 1 ya shani kaw nna dai Myen ni hpe E Coy ngu nna shamyng sai.